

19 Mei 2012

NEGARA

Dadah 12.4kg RM14.9j dirampas

Oleh NUR AISHAH AMIN

nuraishah.amin@kosmo.com.my



NOOR Rashid menunjukkan dadah yang dirampas pada sidang akhbar di Kuala Lumpur semalam.

KUALA LUMPUR – Sebanyak 736,330 biji pil dipercayai dadah sintetik eramin 5 dan serbuk putih dipercayai Ephedrine seberat 12.4 kilogram (kg) dirampas dalam satu serbuan di sebuah rumah teres dua tingkat dekat Kapar, Klang di Selangor kelmarin.

Kesemua dadah tersebut yang dianggarkan bernilai RM14.9 juta dirampas di rumah tersebut yang dijadikan stor menyimpan bahan tersebut pada Rabu lalu.

Pengarah Jabatan Siasatan Jenayah Narkotik (JSJN) Bukit Aman, Datuk Noor Rashid Ibrahim berkata, serbuan tersebut dilakukan susulan penahanan 25 individu pada 12 Mei lalu kerana terlibat dengan sindiket memproses dan pendedaran dadah antarabangsa.

Dalam serbuan itu juga, polis menahan seorang lelaki tempatan berusia 45 tahun dipercayai penjaga rumah tersebut untuk membantu siasatan.

“Serbuk putih itu dipercayai Ephedrine yang merupakan bahan utama untuk memproses dadah.